

Stjórnarfundur hjá Félagi skógareigenda á Suðurlandi, haldinn 19.9. 2018

að Víðihvammi 10, Kópavogi kl. 10

Mættir voru María E. Ingvadóttir formaður, Bjarnheiður Guðmundsdóttir, Hannes Lentz, Októ Einarsson, Sigurður Sigurkarlsson og Sigríður Hjartar.

1. Tilnefna þurfti fulltrúa til stjórnarkjörs Lands sambands skógareigenda. Sigríður Hjartar var tilnefnd til kjörs sem aðalfulltrúi en Októ Einarsson sem varafulltrúi.
2. Samningur umhverfisráðneytis við Skógræktina um gróðursetningu 1.000.000 birkiplantna var ræddur. Hann er fagnaðarefni en vekur um leið upp ýmsar spurningar um tilganginn. Ljóst er að birki er ekki sú trjátegund, sem gagnast best til kolefnisbindingar. Í grein Arnórs Snorrasonar og Sigríðar Júlíu Brynleifsdóttur, sem birtist í Ársriti Skógræktarinnar 2017 sést að meðalbinding birkis/hektara per ár á tonnum koldíoxíðs er við bestu skilyrði 3,4 en til samanburðar er binding alaskaaspar 23,2 sitkagrenis 10,5, stafafuru 9,4, síberíulerkis 7,2 og hægvaxta grenis 4,6 við bestu skilyrði. Birki virðist hins vegar koma að góðum notum við heftingu sand- og vikurfoks. Stjórn FsS eins og sjálfsagt allir skógarbændur vonast eftir myndarlegu framlagi ríkisstjórnarinnar til framleiðslu og gróðursetningar trjáplantna með mikla bindigetu koldíoxíðs til að auðvelda íslensku þjóðinni að standa við Parísarsáttmálann. Eins er mikilvægt að skógrækt heyri undir eitt ráðuneyti, landbúnaðarráðuneytið, en ekki þrjú eins og nú er.
3. Framkvæmdir háðar framkvæmdaleyfi. Sú breyting sem orðið hefur á afgreiðslu framkvæmdaleyfis til nýræktunar skóga virðist síst vera til bóta. Áður var tilkynnt til sveitarstjórnar, sem ræddi málið og samþykkti eða synjaði eftir atvikum en nú þarf að sækja um framkvæmdaleyfi og greiða síðan fyrir, án þess að séð verði að sérstakt vinnuframlag af hálfu sveitarstjórnar sé innt af hendi.
4. Vinnu við Gróðureldabæklinginn er nú lokið og er sú vinna aðstandendum til mikils sóma. Mikilvægt er að efni hans verði rætt á opnum almennum fundum.
5. Undirbúningi rekstrarfélags miðar hægt en örugglega.
6. Aðalfundur LSE verður haldinn á Stracta hóteli á Hellu dagana 5.-7. október. Fundurinn er haldinn á félagssvæði okkar og FsS kemur því að undirbúningi og framvæmd hans. Mikilvægt er að félagsmenn FsS fjölmenni og verði sem sýnilegastir á fundinum. Þátttökutilkynningar þurfa að berast LSE sem allra fyrst, jafnvel þótt fólk ætli ekki að gista.
7. Undirbúningur framkvæmdarinnar er á fullu, búið er að fá fundarstjóra og fundarritara, ákveða skoðunarferð og verið að hnýta alla lausa enda.
8. Útgáfa blaðsins *Við skógareigendur* a vegum LSE hefur verið sett til hliðar sem stendur. Í stað þess er Bændablaðið opið fyrir greinar frá skógareigendum. Stofnuð hefur verið ritnefnd og okkar fulltrúi í henni er Hildur María Hilmarsdóttir á Spóastöðum, netfang spoi1@simnet.is Nú þurfa félagsmenn að vera duglegir að skrifa um það sem þeim liggur á hjarta.
9. Jólamarkaður var aftur ræddur. Lítið hefur heyrst frá félagsmönnum og lýsir stjórn FsS eftir viðbrögðum.
10. Landbúnaðarsýningin verður haldin í Laugardalshöll dagana 12.- 14. október. Skógarbændur verða þar með bás, þar sem við getum sýnt skógartengda hluti. Gaman væri að sem flestir taki þar þátt.

Fleira var ekki rætt, fundi slitið kl. 12:30. Fundarritari Sigríður Hjartar